



Qo'qon DPI

ILMIY XABARLAR

ISSN: 3030-3958

№ 3/2025

Qo‘qon DPI. Ilmiy xabarlar



**Кокандский ГПИ.
Научный вестник**

№3/2025

УЎК 5/9(08) КБК 72я5 Қ 99	Bosh muharrir: Qo'qon davlat pedagogika instituti rektori D.Sh.Xodjayeva Mas'ul muharrirlar: Ilmiy ishlar va innovatsiyalar bo'yicha prorektor N.S.Jurayev Xalqaro hamkorlik bo'yicha prorektor N.A.Kadirova Mas'ul muharrir yordamchisi: Ilmiy-tadqiqotlar, innovatsiyalar va ilmiy pedagogik kadrlar tayyorlash bo'limi boshlig'i D.O'rinboyev Nashr uchun mas'ul: M.Z.Muydinov
MUASSIS: Qo'qon davlat pedagogika instituti Qo'qon DPI. ILMIY XABARLAR- НАУЧНЫЙ ВЕСТНИК. Кокандский ГПИ. Jurnal bir yilda o'n ikki marta chop etiladi. O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiya agentligida 2020-yil 9-iyulda 1085 raqam bilan ro'yxatga olingan. Jurnaldan maqola ko'chirib bosilganda, manba ko'rsatilishi shart. "Qo'qon DPI. Ilmiy xabarlar" ilmiy jurnali OAK Rayosatining 2021-yil 31- martdagi qarori bilan OAK ilmiy nashrlar ro'yxatiga kimyo, biologiya, filologiya, tarix, 2023-yil 5-maydagi №337/6 sonli Rayosat qarori bilan Pedagogika hamda 2024-yil 8-maydagi 5/7-sonli OAK tartib qoida komissiyasi qarori bilan Jismoniy madaniyat, psixologiya va san'atshunoslik fan tarmoqlari bo'yicha milliy nashrlar sifatida kiritilgan. Tahririyat manzili: 150700, Qo'qon shahar, Turon ko'chasi, 23-uy. Tel.: (0373) 542-38-38. Cайт: www.kspi.uz journal.kspi.uz ISBN: 978-9943-7182-7-2 "CLASSIC" nashriyoti 2025	TABIIY FANLAR И.И.Гиадуллина, кандидат биологических наук, (РФ) Sh.S.Nomozov, texnika fanlari doktori, professor, akademik (O'ZB) V.U.Xo'jayev, kimyo fanlari doktori, professor (O'ZB) I.R.Asqarov, kimyo fanlari doktori, professor (O'ZB) A.A.Ibragimov, kimyo fanlari doktori, professor (O'ZB) S.F.Aripova, kimyo fanlari doktori, professor (O'ZB) Sh.V.Abdullayev, kimyo fanlari doktori, professor (O'ZB) B.Yo.Abduganiyev, kimyo fanlari doktori, professor (O'ZB) A.E.Kuchboyev, biologiya fanlari doktori, professor (O'ZB) M.T.Isog'aliyev, biologiya fanlari doktori, professor (O'ZB) V.Yu.Isaqov, biologiya fanlari doktori, professor (O'ZB) T.O.Turginov, biologiya fanlari bo'yicha falsafa doktori (PhD), dotsent (O'ZB) A.M.Gapparov, kimyo fanlari bo'yicha falsafa doktori (PhD), dotsent (O'ZB) I.I.Oxunov, kimyo fanlari bo'yicha falsafa doktori (PhD) (O'ZB) A.Jh.Xusanov-fizika-matematika fanlari nomzodi, docent (O'ZB) O.A.Turdiyev, biologiya fanlari bo'yicha falsafa doktori (PhD), dotsent (O'ZB) G'M.Ochilov, kimyo fanlari doktori, professor (O'ZB) B.No'monov, texnika fanlari bo'yicha falsafa doktori (PhD), dotsent (O'ZB) M.Madumarov, biologiya fanlari bo'yicha falsafa doktori (PhD), dotsent (O'ZB) FILOLOGIYA FANLAR Huseyin Baydemir filologiya fanlari doktori, professor, (TR) И.А.Киселёва, доктор филологических наук, профессор (РФ) В.В.Борисова, доктор филологических наук, профессор (РФ) К.А.Поташова, кандидат филологических наук, доцент (РФ) Э.Р.Ибрагимова, кандидат филологических наук, доцент (РФ) S.Muhamedova, filologiya fanlari doktori, professor (O'ZB) G.Israilov, filologiya fanlari nomzodi, dotsent (O'ZB) IJTIMOIIY FANLAR Л.Г.Насырова, кандидат исторических наук, доцент (РФ) З.В.Галлямова, кандидат исторических наук, доцент (РФ) D.N.Abdullayev, tarix fanlari doktori (DSc), dotsent (O'ZB) M.Rahimov, tarix fanlari doktori (DSc), dotsent (O'ZB) PEDAGOGIKA FANLAR Р.Ф.Ахтариёва, кандидат педагогических наук, доцент (РФ) Н.Н.Масленникова, кандидат педагогических наук, доцент (РФ) Л.А.Максимова, кандидат педагогических наук, доцент (РФ) X.I.Ibragimov, pedagogika fanlari doktori, professor, akademik (O'ZB) B.X.Xodjayev, pedagogika fanlari doktori, professor (O'ZB) B.S.Abdullayeva, pedagogika fanlari doktori, professor (O'ZB) N.A.Muslimov, pedagogika fanlari doktori, professor (O'ZB) N.M.Egamberdiyeva, pedagogika fanlari doktori, professor (O'ZB)



ZAMONAVIY RAG'BATLANTIRISH METODIDAN FOYDALANISHNING DIDAKTIK AFZALLIKLARI VA OTA-ONALAR BILAN HAMKORLIKNING PEDAGOGIK SAMARADORLIGI

Jumakulova Mavludaxon Xosilovna

Andijon davlat universiteti tayanch doktoranti

E-mail: agsu_info@edu.uz

Annotatsiya. Ushbu maqolada rag'batlantirish metodining ta'lim jarayonidagi mazmuni, ahamiyati va nazariyasi yoritilgan. Rag'batlantirishning mohiyati, turlari va ularni samarali qo'llash tamoyillari tahlil qilinadi. Zamonaviy rag'batlantirish metodidan foydalanishning didaktik afzalligi hamda ota-onalar bilan hamkorlikning samaradorligi tahlil etilgan.

Kalit so'zlar: rag'bat, maqtov, mukofot, ota-ona, ijobiy xulq, muvaffaqiyat, motivatsiya, sitimul, xulq-atvor, bixeviorizm, pedagogik rag'batlantirish.

Annotation. This article explores the essence, significance, and theoretical foundations of the encouragement method in the educational process. The nature, types, and principles of effectively applying encouragement are analyzed. The didactic advantages of using modern encouragement methods and the effectiveness of collaboration with parents are also examined.

Keywords: reinforcement, praise, reward, parents, positive behavior, success, motivation, stimulus, behavior, behaviorism, pedagogical reinforcement.

Аннотация. В данной статье рассматриваются сущность, значение и теоретические основы метода поощрения в образовательном процессе. Анализируются суть, виды и принципы эффективного применения поощрения. Также исследуются дидактические преимущества использования современных методов поощрения и эффективность сотрудничества с родителями.

Ключевые слова: поощрение, похвала, награда, родители, положительное поведение, успех, мотивация, стимул, поведение, бихевиоризм, педагогическое поощрение.

Kirish. Bugungi globallashuv davrida jamiyatni isloh etish jarayoni ijodkor va tanqidiy fikrlovchi shaxslarni tarbiyalashni ta'lim tizimining ustuvor yo'nalishlaridan biriga aylantirmoqda. Har bir davlatning taraqqiyoti, istiqboli va ma'naviy yuksalishi bilimli, yuqori salohiyatli hamda ezgu fazilatlarni o'zida mujassam etgan yosh avlodga bog'liq. Shu bois, har

tomonlama yetuk, Vatanga sadoqat bilan xizmat qiladigan fidokor avlodni voyaga yetkazish, ta’lim sifati va mazmunini yuksak darajaga ko‘tarish muhim vazifalardan sanaladi. Bu esa, eng avvalo, o‘qituvchining mas’uliyatini oshiradi va unga sharaflı, shu bilan birga, ulkan mas’uliyat yuklaydi.

O‘zbekiston Respublikasi “Ta’lim to‘g‘risida”gi Qonunning maqsadi ta’lim sohadagi munosabatlarni tartibga solishdan iborat bo‘lib, ta’lim tizimining asosiy bo‘g‘ini bo‘lgan maktab o‘quvchilarni o‘qitish va tarbiyalashga, ularni ma’naviy-axloqiy, intellektual salohiyati, estetik va jismoniy jihatdan rivojlantirishga qaratilgan dasturdir[1]. Sh.M.Mirziyoyev ta’lim tizimi xususida shunday fikrlarni bildirib o‘tadi: “Moddiy va ma’naviy hayotni uyg‘un rivojlantirishimiz kerak. Maktab bu borada asosiy bo‘g‘in bo‘lishi lozim. Maktab ta’limini rivojlantirish biz uchun buyuk umummilliy maqsadga, umumxalq harakatiga aylanishi zarur” [2].

Olimlarning ta’kidlashicha, demokratlashgan ta’lim tizimida yuzaki (formal) nazorat bo‘lmasligi lozim. Didaktik nazorat o‘qitishning o‘ziga xos metodi sifatida aniq ifodalangan ta’lim beruvchining o‘zi uchun zarur va foydali bo‘lishi lozim. O‘quvchilarning bilim, malaka, ko‘nikmalarini nazorat va baholashdan emas, balki baho yordamida o‘qishga undashning eskirgan shakllaridan voz kechishni talab qiladi. O‘quvchilarning o‘quv mehnatini rag‘batlantirishning yangi usullarini izlash, ta’lim va tarbiya sohasida kuch to‘plab borayotgan shaxsiy foyda tamoyili yangicha yondashuvlarni belgilab beradi. Tashxislash tizimida baho rag‘batlantirish vositasi sifatida bir qator afzalliklarga ega bo‘ladi.

Adabiyotlar tahlili. Rag‘batlantirish metodi ta’lim jarayonida o‘quvchilarning faol ishtirokini ta’minlash, ularning qiziqishini oshirish va ijobiy xulq-atvorini shakllantirish uchun qo‘llaniladigan pedagogik vositalar va usullar tizimidir. Bu metodning asosiy maqsadi o‘quvchilarning ichki motivatsiyasini uyg‘otish va ularning intellektual hamda hissiy rivojlanishini rag‘batlantirishdan iborat.

Rag‘batlantirishning pedagogik mohiyati shundaki, u faqat tashqi mukofotlash bilan cheklanib qolmay, balki o‘quvchilarda mustaqil ravishda bilim olishga intilish, ijobiy munosabat va barqaror o‘quv odatlarini shakllantirishni maqsad qiladi.

V.Karimovanning fikricha rag‘batlantirish metodini ta’lim-tarbiya jarayonlariga qo‘llashda pedagogning o‘z uslub va qoidalari yetarli bo‘lmaydi. Shuning uchun ham psixologiya u bilan hamkorlikda yosh avlod ongining ta’lim olish davridagi rivojlanish tendensiyalaridan tortib, toki yangicha o‘qitish texnologiyalarini bola tomonidan o‘zlashtirilishi va undagi aqliy hamda intellektualqobiliyatlariga nechog‘lik ta’sir ko‘rsatayotganligini o‘rganish, shu asosda ishni tashkil etish psixologiyadagi metodlarni didaktik metodlar bilan uyg‘unlashtirishni taqozo etadi [3.B.14]. Pedagog o‘sib kelayotgan yosh avlodga ta’lim-tarbiya berish jarayonida uning yosh xususiyatlarini hisobga olishi lozim. Rag‘bat har bir yosh davrining o‘z psixologik xususiyatlariga mos holda qo‘llanilgandagina samarali bo‘ladi. Pedagog faoliyati davomida o‘quvchilarning idrok, tafakkur, diqqat, hotira, sezgi, qobiliyat, nutq kabi xususiyatlari bilan didaktik metodlarni birlashtira olsagina o‘zining maqsadiga erisha oladi. Shaxsning psixologik

xususiyatlarini rivojlantirishda ta’lim-tarbiya jarayonida to’g’ri qo’llanilgan rag’bat undagi xatti-harakatlarni maqsadli yo’naltirishga ehtiyojni uyg’otadi.

Ta’lim-tarbiya mazmuni va uni tashkil etishga yangicha yondashuv asosida tuzilgan yangi o’quv dasturlar boshlang’ich sinf o’quvchilarining yosh imkoniyatlarini yuzaga chiqarib, o’quvchida qat’iy o’quv motivlarini rivojlantiradi. Ta’limning mazmuni o’quvchining bilimlarni egallashga bo’lgan qiziqishi, o’z aqliy mehnati natijasidan qanoatlanish hissi bilan uzviy bog’liqdir. Bu his o’qituvchining rag’batlantirishi bilan yuzaga keladi va o’quvchida samaraliroq ishlash mayli, istak va ishtiyoqni shakllantiradi. Bolada paydo bo’lgan faxrlanish, o’z kuchiga ishonch hislari bilimlarni o’zlashtirishi va malakalarni rivojlantirishga hizmat qiladi[4.B.32]. Olib borilgan ko‘plab izlanishlar natijalariga ko‘ra inson faoliyati tuzulishi doimo unda rag’batlantiruvchi komponentga ehtiyoj borligini ko‘rsatadi. Shaxsda faol harakat, mushkul topshiriqlarni bajarish, noqulay vaziyatlarni yengish, maqsad sari intilish xohishini uyg’otuvchi rag’batlar mavjud bo’lsa, shaxsning har qanday faoliyati muvaffaqiyatli va samarali bo’ladi. Shunday ekan, pedagog o’quvchida ta’limga ijobiy munosabat, qiziqish, burch, mas’uliyat, maqsad hissini rag’bat orqali uyg’ota olsa, ta’lim-tarbiya jarayonidan ko‘zlangan maqsadga erisha oladi.

XX asrda amerikalik psixologiya maktabining haqiqiy qiyofasi sifatida maydonga chiqdi. Uning asoschisi Djon Uotson (1878-1958) bu yo‘nalishning haqiqiy yo‘lboshchisi sifatida shakllanishiga sabab bo‘ldi. Bixeviorizm tushunchasi tarjima qilganda - xulq-atvor psixologiyasi ma’nosini anglatadi. N.Miller, D.Dollard, R.Sirs, Torndayk, Tolmen, Bandura, B.Uovayting, B.Skinner kabi tadqiqotchilar bixeviorizm nazariyasini ilgari surdilar. Bixevioristlar nuqtai nazaricha, shaxs mazkur insonga xos xulqiy reaksiyalarning majmuidan iborat. Stimul-reaksiya (S-R) formulasi bixeviorizmga yetakchi hisoblanadi. Bixeviorizm nazariyasi xulq-atvorda ichki motivatsiyaning rolini tan olib avvalo uning qo‘zg‘atuvchi funksiyasining muhimligini ta’kidlaydilar, ular organik ehtiyojlardan kelib chiquvchi (ochlik, suvsizlik, og‘riq) birlamchi qo‘zg‘atuvchilarni jahl, ayb, harakatlarga ehtiyoj, qo‘rquv, xavotirlanish ikkimlamchi qo‘zg‘atuvchilarni ajratganlar. Psixoanalizda xulq-atvorning asosiy boshqaruvchisi qoniqish tamoyili ular tomonidan qo‘llab-quvvatlash tamoyiliga (rag’batlantirish) o‘zgartirilgan.

B.F.Skinner tomonidan taklif qilingan bixevioristik nazariya shuni ko‘rsatadiki, o‘rganish rag’batlantirish javob (S-R) assotsiatsiyasining natijasidir [5]. Bixeviorizmning asosiy vazifasi inson xulq-atvori kuzatuvlarini shunday to‘plashdan iboratki, har bir alohida holatda ma’lum bir stimul (yoki undan ham yaxshisi vaziyat) berilganda, bixeviorist qanday reaksiya bo‘lishini oldindan aytib berishi mumkin, yoki agar reaksiya beriladi - bu reaksiyaga qanday vaziyat sabab bo‘lishini. Bixevioristlarning fikriga ko‘ra, ijobiy rag’batlantirishning mukofot yoki maqtov ko‘rinishlari kognitiv faoliyatni samarali bo‘lishiga xizmat qiladi va o‘quvchilarda kerakli xatti-harakatlarni rag’batlantirishi mumkin.

Rus olimlaridan pedagogik rag‘batlantirishning dastlabki nazariy tamoyillari, shartlari va qonuniyatlarini I.Z. Glikman, L.Yu. Gordin, V.G. Pryanikova, Z.I. Ravkin va boshqalar tomonidan o‘rganilgan. Ta‘lim nazariyasida rag‘batlantirishlar quyidagilarga tasniflanadi:

- shaxsning axloqiy rivojlanishi, ijtimoiy faollikni oshiruvchi vositalar
- ta‘lim usullari va vositalari
- shaxsning axloqiy o‘zini o‘zi tarbiyalashga bo‘lgan ehtiyojini rivojlantirish usullari
- bolaning ijtimoiy rivojlanishida tengdoshlari va kattalar bilan muloqotining muvaffaqiyati ta‘minlovchi vositalar [6.B.24].

Metodologiya. Pedagog o‘quv jarayonida o‘quvchilarning xulq-atvoridagi ijobiy o‘zgarishlar, egallagan bilimlarining hajmi ortib borayotganidan xursand bo‘layotganini sezishi kerak. Shundagina o‘quvchi o‘zining rivojlanayotganini ko‘ra biladi, o‘z-o‘ziga, o‘z kuchiga ishonadi. Uni hurmat qilishadi, unga ishonch bildiriladi, jamoada ma‘lum mavqeyiga ega bo‘ladi, o‘qituvchini qiziqtiradi, ular bir-birlariga ishonishadilar. Pedagog bunga erishish uchun rag‘batlantirish metodidan foydalanishi lozim. Rag‘batlantirish bolaga ishonishga, unda bo‘lgan qobiliyat va fazilatlarining kuchini e‘tirof etishga aoslangan. Rag‘batlantirish o‘quvchiga o‘ziga bo‘lgan ishonchni beradi, quvonch keltiradi, yanada yaxshiroq bo‘lishga intilishga yordam beradi. Maktablar tajribasida rag‘batlantirishning quyidagi an‘anaviy turlari qo‘llanadi;

1. O‘quvchining kuchi yetadigan, mas‘uliyatli topshiriq berish orqali bolaga ishonch bildirish; bunda o‘quvchi o‘z qadr-qimmati bilan faxrlanadi;

2. Maqtash (ota-onalar, bolalar jamoasi oldida);

3. Esdalik sovg‘asi(o‘quv qurollari, kitob)

4. Maqtov yorlig‘i berish;

5. Stipendiya bilan taqdirlash;

6. Hurmat taxtasiga fotosurat qo‘yish;

7. Mas‘uliyat va jamoaning minnatdorchiligi;

8. Safda birinchi o‘rinda turish;

9. Musobaqalarda bayroq ko‘tarish;

10. Gazeta-jurnal va radio-televidiniyelarda e‘lon berish.

O‘quv jarayonida o‘quvchilarni rag‘batlantirish deb shaxsni aktiv faoliyatga bo‘lgan tashqi mayliga aytiladi.

Axborot jamiyatiga o‘tish zaruriyati jahon iqtisodiyotida yangi texnologik tartib shakllanishi va ustuvorligi, axborot resurslarini ijtimoiy-iqtisodiy rivojlanishning haqiqiy resurslariga o‘tishi, jamiyatni axborot mahsulotlari va xizmatlariga bo‘lgan talabini qondirish, ijtimoiy ishlab chiqish tizimida axborot kommunikatsion infrastruktura ahamiyatini oshishi, xalqaro axborot almashinuvlar asosida maorif, ilmiy-texnik va madaniy sohalarining takomillashuvi, «global axborot afzalliklarini» teng huquq asosida ishlatish bilan shartlanadi. Oxirgi yillarda elektron ta‘limning an‘anaviy ta‘limga qaraganda afzallik jihatlari ko‘proq aniqlanmoqda. Hozirgi axborot texnologiyalari davrida yoshlarning qiziqishlarini inobatga

olgan holda rag'batlantirishning noan'anaviy usullarini qo'llash zarurati ortib bormoqda. Ushbu noan'anaviy rag'batlantirish metodlari o'quvchilarni ta'lim jarayonida faol ishtirok etishga undashda muhim rol o'ynaydi. Rag'batlantirishning innovatsion turlari, masalan, gamifikatsiya, interaktiv o'yinlar, onlayn mukofotlar va ijtimoiy tarmoqlardagi faoliyat orqali o'quvchilarning motivatsiyasini oshirishga xizmat qiladi. Bu metodlar o'quvchilarning qiziqishini oshirish, o'z-o'zini rivojlantirishga bo'lgan intilishlarini kuchaytirish va ta'lim jarayonida ijobiy muhit yaratishga yordam beradi.

Kishining jamiyatda tutgan mavqeiga bog'liq bo'lmagan bir kasb borki, u onalik va otalik kasbidar. Ota-onalar o'z bolalarining tarbiyasi uchun jamiyat oldida javobgardirlar. Oila mustahkamligi, ma'naviy va jismoniy barkamol farzand jamiyat mustahkamligi va ma'naviy yetuklikning garovidir. Sohibqiron bobomiz Amir Temur ham o'g'il uylantirish, kelin tanlash, farzand tarbiyasini davlat siyosati darajasiga ko'targanligi ham bejiz emas. Davlatning qudrati sog'lom fikrli, bilimli, axloq –odobli, xalq, millat, Vatan taqdiri uchun jonini tikkan insonlar qo'lida. Bunday insonlar ilk bor oilada tarbiyalanadilar. Bolalarning xulq atvoridagi xatolar ota-onalarning xatolaridir. Oila, oila a'zolarining, ayniqsa ota-onaning axloqiy-ma'naviy yetukligi va ma'rifiy qarashlari farzand tarbiyasi va kamolida eng zarur va muhim omillaridan biri hisoblanadi. Har bir ota-ona farzand tarbiyasida o'zlarining burch va ma'suliyatlarini chuqur anglashlari lozim. Maktab davrida bir oz talabchanlik va intizomni talab etadi. Bu davrda bola oq-qorani ayni shu davrda ajratadi. Yaxshilikka mukofot, yomonlikka jazo muqarrarligini shu bosqichda o'rganadi. Bu davrda farzand to'g'ri yo'lga solinsa, tarbiyali do'stlarga hamroh qilinsa, uning odobli bo'lib, yaxshi inson bo'lishi uchun muhim qadam qo'yiladi. Diniy ta'limotlarda ota ona o'z farzandlariga ta'lim-tarbiya berishi ham dolzarb vazifalardan deb qaraladi. Bu haqda Muhammad (alayhissalom): "Farzandlaringizga ta'lim bering, chunki ular sizniki bo'lmagan vaqt uchun tug'ilganlar", deb har bir ota-onani bolaning o'z zamonasi ilmfani, ta'limiga befarq qaramaslikka chaqirganlar

Tarbiyada eng muhim vosita bu mehr va shirinso'zlik bilan tarbiyalashdir. Bu ikki vosita bir bo'lib, bolani shakllantiradi. Shu jumladan, ta'limni ham g'azab va jazolash bilan amalga oshirmagan ma'qul. Zero, zo'rlab berilgan ta'lim bola xotirasidan tezda o'chib ketadi. Oqibatda uning shu sohaga nisbatan qiziqishi so'nishi mumkin. Bundan ko'rinadiki, ta'limning avvali ham yaxshi tarbiyadan boshlanadi. Tarbiyadan tashqaridan bo'ladigan salbiy ta'sir bu, eng katta xatardir. Chunki farzandga oilada bu boradagi erkinlikka yo'l qo'yilmagach, u o'z qiziqish va rag'batlarini qondiradigan sabablarni tashqaridan izlay boshlaydi. Demak, ota-ona farzandining tashqi hayotiga ham katta e'tibor qaratishi talab etiladi. Ya'ni, ular farzandi maktabdagi faoliyati va maktabdan so'ng qayerga borishi, nima bilan shug'ullanishini nazorat qilish lozim. Farzandiga bilim olish uchun sharoit yaratish ham ota-onaning vazifasidir. Ota ona farzandiga vaqtni unumli o'tkazishni o'rgatishida vosita sifatida foydalanishi mumkin bo'lgan usullardan yana biri zamonaviy axborot texnologiyalaridan oqilona foydalanishdir. Ushbu zamonaviy kommunikatsiya vositalari muhim aloqa vositalari bo'lishi bilan birga ba'zi ma'naviyati to'liq shakllanmagan yoshlarga salbiy ta'sir ko'rsatmoqda. Ijtimoiy tarmoq

ta'siriga tushib qolgan yoshlarga ota-onalar, o'quv muassasalari bilan birgalikda aloqa vositalarining asl mohiyatini tushuntirib berishlari lozim.

Mobil telefonlar bugungi kunda hayotimizning ajralmas qismiga aylangan. Ular bizning kundalik faoliyatimizni, shuningdek, ijtimoiy aloqalarimizni tubdan o'zgartirib yubordi. Mobil aloqa vositalari orqali ota-onalar bilan aloqa o'rnatish, o'quvchilar va o'qituvchilar o'rtasidagi muloqotni ta'minlash, shuningdek, o'quv jarayonini yanada samarali tashkil etish imkoniyatlari paydo bo'ldi. Zamonaviy ta'lim tizimida o'quvchilarning harakatlari va faoliyatlari ijtimoiy tarmoqlar va mobil aloqa orqali bir-biri bilan bog'lanishi, o'qituvchilar uchun doimiy ravishda yangi vaziyatlarni keltirib chiqarmoqda. O'quvchilarning yutuqlari jamoatchilik oldida e'tirof etilishi, nafaqat ularning o'ziga bo'lgan ishonchini oshiradi, balki ota-onalar uchun ham ijobiy ta'sir ko'rsatadi. Pedagogik nazariyalar, masalan, Vygotskiyning ijtimoiy o'qitish nazariyasi, o'quvchilarning o'zaro aloqalari va ijtimoiy muhitda o'zaro ta'sirining ahamiyatini ta'kidlaydi[7.B.67]. Ushbu nazariyaga ko'ra, o'quvchilar o'zaro muloqot orqali bilim va ko'nikmalarni rivojlantiradilar. Mobil aloqa va ijtimoiy tarmoqlar bu jarayonni tezlashtiradi va kengaytiradi, chunki ular o'quvchilarga o'z fikrlarini, g'oyalarini va yutuqlarini tezda baham ko'rish imkonini beradi. Shuningdek, o'quvchilarning muvaffaqiyatlarini jamoatchilik oldida e'tirof etish, ularning motivatsiyasini oshirishda muhim rol o'ynaydi. Bu jarayon, o'z navbatida, o'quvchilarning o'z-o'zini baholashini va o'ziga bo'lgan ishonchini kuchaytiradi. Ota-onalar uchun esa, farzandlarining yutuqlari haqida ma'lumot olish, ularning ta'lim jarayonida faol ishtirok etishlariga yordam beradi va o'zaro aloqalarni mustahkamlashga xizmat qiladi. Shunday qilib, mobil telefonlar va ijtimoiy tarmoqlar ta'lim jarayonida muhim vosita sifatida xizmat qiladi, o'quvchilarning o'zaro aloqalarini rivojlantiradi va ularning muvaffaqiyatlarini e'tirof etish orqali motivatsiyalarini oshiradi. Bu esa, o'z navbatida, ta'lim sifatini yaxshilashga va o'quvchilarning shaxsiy rivojlanishiga ijobiy ta'sir ko'rsatadi.

Quyida o'z mualliflik metodimizni taqdim etishni maqsadga muvofiq deb hisoblaymiz. O'quvchilarning ta'lim jarayonidagi faoliyatlarini qo'llab-quvvatlash maqsadida o'qituvchi dars jarayonining istalgan vaqtida "baxtli qo'ng'iroq" metodini amalga oshiradi. Ushbu metod, o'quvchilarning harakatlari, bilim samaradorligi va faoliyatlarining umumiy hisobini inobatga olgan holda qo'llaniladi. "Baxtli qo'ng'iroq" metodining asosiy maqsadi, o'quvchilarning darslardagi faol ishtirokini va ijobiy xulq-atvorini rag'batlantirishdir. Bu jarayonda, o'quvchining muvaffaqiyatlari va ijobiy harakatlari kelgusida takrorlanishini qo'llab-quvvatlash maqsadida, uning ota-onasiga dars davomida sinf jamoasi ishtirokida "baxtli qo'ng'iroq" amalga oshiriladi. Ota-onasiga farzandining yutuqlari e'tirof etilib, ularga tashakkur bildiriladi. Bu yondashuv, o'quvchilarning motivatsiyasini oshirish, ularning o'z-o'zini baholashini kuchaytirish va ta'lim jarayonida ijobiy muhit yaratishga xizmat qiladi. Shunday qilib, "baxtli qo'ng'iroq" metodi, o'quvchilarning ta'lim jarayonidagi faoliyatini rag'batlantirish va ularning o'z bilimlarini rivojlantirishga yordam beruvchi innovatsion pedagogik yondashuv sifatida namoyon bo'ladi. Ota-onalarning farzandlarining yutuqlari bilan faxrlanishi, o'quvchilarda ushbu ijobiy harakatlarni takrorlash istagini shakllantiradi. Bu rag'batlantirish mexanizmi, ota-

onalarda farzandlarining ta'lim-tarbiyasiga yanada e'tibor berishiga olib keladi va boshqa ota-onalarni ham "baxtli qo'ng'iroq" sohibi bo'lishga undaydi. Natijada, bu jarayon ota-onalarning ta'lim-tarbiya jarayoniga bo'lgan mas'uliyatini oshiradi va ularning farzandlariga nisbatan e'tiborini kuchaytiradi. Ota-onalarning faol ishtiroki, ta'lim jarayonida ijtimoiy hamkorlikni rivojlantiradi va o'quvchilarning motivatsiyasini oshirishga xizmat qiladi. Shunday qilib, "baxtli qo'ng'iroq" metodi, ota-onalar va o'quvchilar o'rtasidagi aloqalarni mustahkamlash, ta'lim-tarbiya jarayonida ijobiy muhit yaratish va o'quvchilarning o'z-o'zini rivojlantirishga bo'lgan intilishlarini kuchaytirishga yordam beradi. Bu yondashuv, ta'lim jarayonining samaradorligini oshirish va o'quvchilarning ijtimoiy-emotsional rivojlanishini qo'llab-quvvatlashda muhim ahamiyatga ega.

Shunday qilib, noan'anaviy rag'batlantirish metodlari o'quvchilarning ta'lim jarayonidagi faoliyatini rag'batlantirish va ularni o'z bilimlarini kengaytirishga undashda muhim ahamiyatga ega. Bu yondashuvlar, o'z navbatida, ta'lim sifatini oshirish va o'quvchilarning o'z-o'zini rivojlantirishga bo'lgan intilishlarini kuchaytirishga xizmat qiladi.

Rag'batlantirish metodi o'quv jarayonida muhim rol o'ynaydi. Rag'batlantirish

o'quvchilarning maqsadga erishishlari uchun ijobiy javoblar bilan taqdirlanishini o'z ichiga oladi. Rag'batlantirish o'quvchilarga davomiy ravishda motivatsiya beradi, ularning o'rganishga bo'lgan qiziqishini doimiy ravishda qo'llab-quvvatlaydi. Rag'batlantirish metodlari orqali o'quvchilar o'z-o'zini boshqarish ko'nikmalarini rivojlantiradilar, bu esa mustaqil o'rganishni kuchaytiradi. Rag'batlantirish orqali o'quvchilar o'z yutuqlarini his qilishadi va bu ularning o'zini-o'zi baholash darajasini oshiradi. Rag'batlantirish o'quvchilarning darsda faol qatnashishiga yordam beradi, ularning muloqot qilish va fikrlarini ifodalash imkoniyatlarini oshiradi. Rag'batlantirishning doimiy qo'llanilishi o'quvchilarda ijobiy xulq-atvor va munosabatlarni shakllantiradi. Rag'batlantirish o'quvchilarning o'rganish jarayoniga nisbatan qiziqishlarini oshirib, ularni samaraliroq bo'lishga undaydi. O'qituvchilar darsda mukofotlash tizimini joriy qilib, o'quvchilarni turli vazifalarni bajarishga rag'batlantiradilar. Masalan, jamoat oldida maqtov yoki tan olish o'quvchilar uchun kuchli motivatsiya vositasi hisoblanadi. Rag'batlantirishni to'g'ri va muvozanatli qo'llash, o'quvchilarning nafaqat o'quv jarayonidagi muvaffaqiyatini, balki ularning shaxsiy rivojlanishini ham ta'minlaydi.

Ushbu tadqiqot Andijon viloyati 6-maktab 4-sinf o'quvchilari ishtirokida amalga oshirildi. Tadqiqotda "Baxtli qo'ng'iroq" metodi qo'llanilib, o'quvchilarning ta'lim jarayonidagi faoliyatini rag'batlantirishga qaratilgan innovatsion pedagogik yondashuv sinovdan o'tkazildi. Tadqiqotda jami 57 nafar ota-ona va 61 nafar o'quvchi ishtirok etdi.

O'qituvchilar "Baxtli qo'ng'iroq" metodini dars jarayonida samarali amalga oshirishlari mumkin. Ushbu metod, o'quvchilarning darsdagi faol ishtiroki, turli faoliyatlari, va ijobiy xulq-atvorlarini rag'batlantirish maqsadida qo'llaniladi. Bu nafaqat iqtidorli o'quvchilarning yutuqlarini tan olishda, balki o'zlashtirish darajasi past bo'lgan o'quvchilarning sa'y-harakatlarini ham qadrlashda foydalidir. Ko'p hollarda iqtidorli o'quvchilar o'qituvchilar va sinfdoshlari tomonidan e'tirof etiladi. Bu e'tirof va mukofotlar iqtidorli o'quvchilarni yanada

ruhlantiradi va ularda o'ziga bo'lgan ishonchni mustahkamlaydi. Biroq, bu jarayon o'zlashtirish darajasi past bo'lgan o'quvchilarga salbiy ta'sir ko'rsatishi mumkin. Ular, qanchalik harakat qilmasin, iqtidorli o'quvchilar natijalariga yetisha olmasliklari sababli, o'z harakatlarini sustlashtirishi yoki butunlay to'xtatib qo'yishi mumkin. Bunday vaziyatlarda o'qituvchining pedagogik mahorati va individuallashtirilgan yondashuvi katta ahamiyatga ega. O'qituvchi o'zlashtirish darajasi past bo'lgan o'quvchilarga ularning qobiliyatiga mos topshiriqlar berishi va ularni rag'batlantirish orqali dars jarayonida faol ishtirok etishga undashi lozim. Masalan, "siz uddalaysiz", "yaxshi bajaryapsiz", "barakalla", "ofarin", "sizga ishonaman", "hammasini bajara olasiz" kabi ruhlantiruvchi iboralar o'quvchilarda o'z-o'ziga ishonchni oshiradi va ularning fanga bo'lgan qiziqishini kuchaytiradi. Shuningdek, o'quvchilarning motivatsiya va o'z-o'zini anglash qobiliyatlarini rivojlantirish uchun differentsial yondashuv muhimdir. O'qituvchilar nafaqat yuqori natijalarga erishgan o'quvchilarni, balki kichik yutuqlar ko'rsatgan o'quvchilarni ham rag'batlantirishlari lozim. Bu jarayon o'quvchilar orasida ijobiy raqobat muhitini yaratadi va har bir o'quvchining individual rivojlanishini qo'llab-quvvatlaydi. O'quvchilar orasida umuman o'qishga qiziqmaydigan va o'z o'zlashtirish darajasini past deb hisoblaydiganlar ham uchrab turadi. Bunday o'quvchilarni o'quv jarayoniga jalb etish uchun o'qituvchilar rag'batlantirish metodidan foydalanishlari zarur. Masalan, o'quvchining yozuvi talab darajasida bo'lmasa ham, "yozuvingiz yaxshilanmoqda" yoki "avvalgidan chiroyliroq yozibsiz" kabi ijobiy baholash orqali ularni ruhlantirish mumkin. Bunday metodik yondashuv o'quvchilarda ijobiy o'zgarishlarni rag'batlantiradi va ularning darslarga bo'lgan munosabatini ijobiy tomonga o'zgartiradi. Umuman olganda, rag'batlantirish o'qituvchilarning o'quv jarayonini boshqarishda foydalanadigan kuchli pedagogik vositadir. Bu vosita nafaqat o'quvchilarning o'z-o'ziga bo'lgan ishonchini oshiradi, balki ularning mustaqil fikrlash, muammolarni hal qilish va fanga bo'lgan qiziqishini ham rivojlantiradi. Shuning uchun, o'qituvchilar rag'batlantirish metodlarini dars jarayonida tizimli va izchil qo'llab, har bir o'quvchining individual imkoniyatlarini hisobga olishlari lozim.

O'qituvchi darsning istalgan vaqtida o'quvchining ota-onasiga qo'ng'roq qilishi va farzandining yutuqlarini sinf jamoasi oldida e'tirof etishi mumkin. Bu jarayon pedagogik amaliyotda o'quvchining o'ziga bo'lgan ishonchini oshirish va uning ijtimoiy maqomini mustahkamlashda muhim ahamiyatga ega. O'quvchilar, tabiiy ravishda, ota-onalari va sinfdoshlari oldida o'z yutuqlarining e'tirof etilishini xohlashadi, bu esa ularning motivatsiyasini oshirishda samarali vosita hisoblanadi.

Pedagogik nazariya nuqtai nazaridan, bunday metod "ijtimoiy mustahkamlash" (social reinforcement) deb ataladi. Bu metod o'quvchilarni ijtimoiy taqdirlash orqali rag'batlantiradi. Ota-onalarning o'z farzandlarining yutuqlaridan xabardor bo'lishi, o'quvchining shaxsiy rivojlanishiga va o'qishga bo'lgan munosabatiga ijobiy ta'sir ko'rsatadi. O'quvchi sinfdoshlari oldida tan olinishini his qilganida, bu uning o'ziga bo'lgan hurmatini oshiradi va sinf jamoasidagi ijtimoiy integratsiyasini kuchaytiradi.

Shuningdek, bu yondashuv "pozitiv pedagogik aloqa" (positive pedagogical communication) prinsiplariga asoslanadi. O‘qituvchi, ota-ona va o‘quvchi o‘rtasidagi doimiy va ijobiy muloqot ta’lim jarayonida muhim rol o‘ynaydi. O‘quvchilarning muvaffaqiyatlarini nishonlash orqali o‘qituvchi nafaqat individual o‘quvchini, balki butun sinf jamoasini rag‘batlantiradi. Bu esa sinfda ijobiy muhit yaratib, o‘quvchilarning o‘z-o‘ziga bo‘lgan ishonchini va o‘zlashtirish darajasini oshiradi.


Bunday metodik yondashuvning yana bir muhim jihati - bu "shaxsga yo‘naltirilgan ta’lim" (learner-centered education) tamoyiliga muvofiqligidir. Har bir o‘quvchining individual ehtiyojlari va yutuqlarini e‘tirof etish orqali o‘qituvchi o‘quvchilarni o‘z o‘quv jarayonida faol ishtirok etishga undaydi. Bu esa o‘quvchilarda o‘z muvaffaqiyatlari uchun javobgarlik hissini shakllantiradi va ularni yanada yuqori natijalarga erishishga rag‘batlantiradi.

Umuman olganda, ota-onalar bilan muloqot va o‘quvchilarning yutuqlarini jamoat oldida e‘tirof etish o‘qituvchining ta’lim jarayonida ijtimoiy va psixologik mexanizmlarni samarali qo‘llashiga misol bo‘lib, bu nafaqat o‘quvchilarning o‘quv faoliyatini, balki ularning shaxsiy rivojlanishini ham qo‘llab-quvvatlaydi.

Tadqiqotda ishtirokchilar ikki guruhga bo‘linib, turli pedagogik yondashuvlar asosida ta’lim-tarbiya jarayonlari tashkil etildi.

1-guruh (An'anaviy yondashuv): Bu guruhda 29 nafar ota-ona va 30 nafar o'quvchi ishtirok etdi. Dars jarayonlari an'anaviy uslubda tashkil etilib, o'quvchilarning faoliyatlari va yutuqlari muntazam tarzda kuzatib borildi.

2-guruh (Noan'anaviy yondashuv - "Baxtli qo'ng'iroq" metodi): Bu guruhda 28 nafar ota-ona va 31 nafar o'quvchi ishtirok etdi. O'quvchilarning darsdagi yutuqlari va ijobiy xulq-atvori "Baxtli qo'ng'iroq" metodi orqali ota-onalarga ma'lum qilindi. Ota-onalar bilan sinf jamoasi ishtirokida telefon orqali muloqot qilinib, farzandlarining yutuqlari e'tirof etildi va tashakkur bildirildi.



Tadqiqot natijalari shuni ko'rsatdiki, "Baxtli qo'ng'iroq" metodini qo'llagan 2-guruhda ota-onalar farzandlarining ta'lim-tarbiyasiga nisbatan yuqori qiziqish ko'rsatib, o'qituvchi bilan faol muloqotda bo'lishdi. Bu yondashuv, ota-onalar va o'quvchilar o'rtasidagi aloqalarni mustahkamlash, ta'lim jarayonida ijtimoiy hamkorlikni rivojlantirish va o'quvchilarning motivatsiyasini oshirishda muhim ahamiyat kasb etdi.

"Baxtli qo'ng'iroq" metodi, ota-onalarning ta'lim-tarbiya jarayonidagi ishtirokini kuchaytirib, o'quvchilarning o'z-o'zini rivojlantirishga bo'lgan intilishlarini rag'batlantiradi. Ushbu metod ta'lim jarayonida ijobiy muhit yaratishga xizmat qiladi va o'quvchilarning ijtimoiy-emotsional rivojlanishini qo'llab-quvvatlaydi. Natijalar shuni tasdiqlaydiki, bu yondashuv ta'lim jarayonining samaradorligini oshirishda va o'quvchilarning ta'limga bo'lgan qiziqishini yuksaltirishda samarali usuldir.

Xulosa va takliflar. Rag'batlantirish – o'qituvchi faoliyatining muhim qismidir. Ammo rag'batlantirish insonning ichki mayliga ta'sir qilganda aniq maqsad sari undaydigan kuchga aylanadi. Shu bilan birga yana bunday ichki undash faqat tashqi rag'batlantirishlar ta'siridagina emas, balki o'quvchilarning o'z o'zining ta'sirida ham, uning oldingi tajribasi, ehtiyojlari va hokazolar ta'sirida yuzaga keladi. O'qishga qiziqishni rag'batlantirish turlaridan biri – o'qishda ma'lum qiyinchilik sezayotgan o'quvchilarga muvaffaqiyatli vaziyatlarni yaratishdir. Rag'batlantirish o'quvchining ko'nglini ko'taradi, unga quvonch keltiradi va uni yanada yaxshiroq o'qishga undaydi. Rag'batlantirish yo'llari bu yaxshi baho qo'yish, maxsus tanlangan topshiriqlar berish, fotosuratlarini maxsus rag'batlantirish oynalariga ilish kabilardir. Muvaffaqiyatga erishish vaziyatini o'quvchining oraliq harakatlarini rag'batlantirish, ya'ni uni yangi zo'r berishlarga maxsus undash yo'li bilan ham tashkil qilish mumkin. Muvaffaqiyat vaziyatlarni yaratishda u yoki bu topshiriqlarni bajarish jarayonida qulay ma'naviy-ruhiy muhitni ta'minlash muhim o'rin egallaydi.

Xulosa. Pedagogik rag'batlantirish turli yoshdagi va turli ta'lim muhitida o'quvchilar bilan ishlashda katta imkoniyatlarga ega. Ta'lim-tarbiya jarayonida rag'batlantirish metodining o'rni butun dunyo olimlari tomonidan tan olingan va har tomonlama o'rganilgan. Ta'lim jarayonida o'zlashtirish, bilimlarni egallash va o'rganishni amalga oshirishni ta'minlash uchun darsda rag'batlantirish metodi mavjud bo'lishi kerak. Rag'batlantirish usulidan samarali foydalanish quyidagi natijalarga olib keladi:

- O'quvchilarning ta'lim jarayoniga nisbatan qiziqishi ortadi;
- Ijobiy xulq-atvor va barqaror o'quv odatlari shakllanadi;
- O'quvchilar o'z bilim olish jarayonining faol sub'ekti bo'lib boradi;
- Ta'lim muhitida hamkorlik va ijobiy psixologik muhit yaratiladi.

Shunday qilib, rag'batlantirish metodi ta'lim jarayonini faqatgina bilim berish bilan cheklab qo'ymay, balki o'quvchilarning shaxs sifatida rivojlanishi va ularning intellektual, ijtimoiy hamda hissiy rivojlanishiga xizmat qiladi. Bu metod zamonaviy ta'limning eng samarali pedagogik yondashuvlaridan biri sifatida ta'lim-tarbiya jarayonini yanada mazmunli va qiziqarli qiladi.

Rag'batlantirish, o'quvchilarni o'rganishi va o'zlashtirishini ta'minlashda samarali usullardan biri hisoblanadi. Rag'batlantirish- ta'lim jarayonida o'quvchilarning qiziqtirishini oshirish, o'z fikrlarini ifoda qilish uchun muhit yaratish, kognitiv faolligini oshirish, o'zlashtirish ko'rsatkichini oshirishga xizmat qiladi. O'qituvchi tomonidan qo'llanilgan rag'batlarni me'yorda va maqsadli bo'lishi uni muvaffaqiyatini ta'minlaydi. Albatta, rag'batlar

me'yordan oshmasligi kerak. O'z vaqtida to'g'ri qo'llanilgan rag'batlarda o'quvchida o'quv motivi, kognitiv faollikni uyg'onishiga turtki bo'ladi.

FOYDALANGAN ADABIYOTLAR

1. O'zbekiston Respublikasining Prezidenti Sh. Mirziyoyevning Ta'lim to'g'risidagi Qonuni.– T.;2020 yil 23-sentabr, O'RQ-637-son.
2. O'zbekiston Respublikasi Prezidenti Sh.Mirziyoyev "O'qituvchi va murabbiylarning mavqeani oshirish" ga bag'ishlangan video selektor. – T.; 2019 yil 23may,№ 3PY-542
3. Каримова В. Психология. Укув кулланма. Т. А.Кодирий номидаги халк мероси нашриёти. "УАЖБНТ" маркази, 2002. - 205 бет (14b)
4. Formanov O. N. Ta'lim mazmunini intellektuallashtirish. O 'quv-metodik qo'llanma. - T.: «Fan va texnologiya», - 2010. - 58 b
5. Malone J.C, William James Jr, Skinner B. F.: Behaviorism, Reinforcement, and Interest//Behaviorism, Vol.3,No.2(Fall, 1975), pp.140-151. URL: <http://www.jstor.org/stable/27758839>
6. Щербинина Ольга Станиславовна. Педагогическое стимулирование социального развития одаренного ребенка как психолого-педагогическая проблема //Историческая и социально-образовательная мысль. 2014. № 2
7. Vygotskiy, L. S. (1978). Mind in Society: The Development of Higher Psychological Processes. Cambridge, MA: Harvard University Press. B-159 bet.

ТЕХНОЛОГИИ РАЗВИТИЯ РЕЧИ ДЕТЕЙ В УСЛОВИЯХ ИНКЛЮЗИВНОГО ДОШКОЛЬНОГО ОБРАЗОВАНИЯ <i>Ходжиакбарова Дилдора Абдугаффоровна</i>	504
BO‘LAJAK HARBIY TA‘LIM FANI O‘QITUVCHILARINING KASBIY-PEDAGOGIK TAYYORGARLIGINI RIVOJLANTIRISHDA ZAMONAVIY TA‘LIM TEXNOLOGIYALARINI QO‘LLASH <i>Tojiyev Hakimjon Xoliqovich</i>	511
TA‘LIMNING UZVIYLIGI VA UZLUKSIZLIGI HAMDA UNDAGI HARBIY TA‘LIMNING O‘RNI <i>Umarov Ismoiljon Olimjonovich</i>	521
ZAMONAVIY RAG‘BATLANTIRISH METODIDAN FOYDALANISHNING DIDAKTIK AFZALLIKLARI VA OTA-ONALAR BILAN HAMKORLIKNING PEDAGOGIK SAMARADORLIGI <i>Jumakulova Mavludaxon Xosilovna</i>	528
400 МЕТРГА ҒОВЛАР ОША ЮГУРУВЧИЛАРНИНГ ЙИЛЛИК ТАЙЁРГАРЛИК МАШҒУЛОТЛАРИДА МАХСУС ЖИСМОНИЙ ТАЙЁРГАРЛИГИНИ ШАКИЛЛАНГАНЛИК ДАРАЖАСИНИ ИШЛАБ ЧИҚИШ МЕТОДИКАСИ <i>Саткулов Бекзод Мавлянович</i>	539
BIOLOGIYA O‘QITISH JARAYONINI TAKOMILLASHTIRISHDA KO‘RGAZMALI MATERIALLARDAN FOYDALANISH METODIKASI <i>B. B. Nizomova, M. N. Saidjaxonova</i>	546
ПРОЕКТНЫЕ ТЕХНОЛОГИИ В КАЧЕСТВЕ ФОРМЫ АКТИВНОГО ОБУЧЕНИЯ РУССКОМУ ЯЗЫКУ В НЕФИЛОЛОГИЧЕСКОМ ВУЗЕ <i>Рахманова Юлдуз Кахрамановна</i>	550
INFORMATIKA FANLARINI O‘QITISHDA GAMIFIKATSIYANING O‘RNI <i>Temirova Gulbahor G‘ulomovna, Yusupova Nodira Nurdinovna</i>	558
TALABALARDA MA‘NAVIY-AXLOQIY TARBIYANI SHAKLLANTIRISHDA INTERFAOL METODLARDAN FOYDALANISHNING AFZALLIKLARI <i>Komilova Zulfiyaxon Poziljonovna</i>	563
SUV BUG‘LARI HOSIL BO‘LISHINING YASHIRIN ISSIQLIGI <i>Mamatova G o‘zaloy J o‘ramirzayevna, Komiljonova Gulchiroy, Boxoviddinova Mufazzala</i>	568
BO‘LAJAK O‘QITUVCHILARDA INFORMASION-ANALITIK KOMPETENTLIKNI RIVOJLANTIRISHNING AMALIYOTDAGI HOLATI <i>Usmonova Kamola Erkinovna</i>	572
OLIY TA‘LIM VA MAKTAB O‘QUVCHILARI UCHUN INDIVIDUAL O‘QITISH METODLARI <i>Mavlanova Nasiba Axmedovna</i>	579
MUHANDISLIK VA KOMPYUTER GRAFIKASI FANINI O‘QITISH ASOSIDA BO‘LAJAK MUHANDISLARNING LOYIHAVIY-TEXNOLOGIK KOMPETENTLIGI TUSHUNCHASINING MOHIYATI VA MAZMUNI <i>Begijonov Mahmudbek Sharibbek o‘g‘li</i>	585
O‘QUVCHILARDA TAYANCH HAYOTIY KOMPETENSIYALARNI SHAKLLANTIRISHGA OID NAZARIY YONDASHUVLAR <i>Davletov Erkaboy Yusubovich</i>	589
TARIXIY YONDASHUVDA KO‘RGAZMALI MATERIALLARDAN FOYDALANISHNING SAMARADORLIGI <i>Uzoqboyev Xojiakbar Qobiljon o‘g‘li</i>	595
AXBOROTNI KRIPTOGRAFIK XIMOYALASHDA KALIT SONLI VA KALIT SO‘ZLI JADVAL ALMASHTIRISHLARDAN FOYDALANISH USULLARI	600